

唐  
音  
統  
籤

丁籤九十四元稹之

二十五  
豔詩一

唐音統籤卷

四百七  
十八

五言古詩

夢遊春七十韻

前敘鶯鶯相遇事後敘韋夫  
人之沒當與會真詩及悼亡

諸詩詞觀自  
悉其顛末

昔歲夢遊春夢遊何所遇夢入深洞中果遂平生  
趣清冷淺漫流畫舫蘭篙渡過盡萬株桃盤旋竹  
林路長廊抱小樓門牖相迴互樓下雜花叢叢邊  
遶鶴鷺池光漾霞影曉日初明煦未敢上階行頻  
移曲池步烏龍不作聲碧玉曾相慕漸到簾幕間  
徘徊意猶懼開窺東西閣奇翫參差布隔子碧油

糊駝鈎紫金鍍逡巡日漸高影響人將寤鸚鵡飢

亂鳴嬌狂睡猶怒簾開侍兒起見我遙相諭鋪設

繡紅茵施張鈿裝具潛褰翡翠帳瞥見珊瑚樹不

辨花貌人空驚香若霧身迴夜合偏態斂晨霞聚

睡臉桃破風汗粧蓮委露叢梳百葉髻時勢金蹙

重臺屨踏殿紕軟鈿頭袴瑟瑟玲瓏合歡袴夾纈

鮮妍脂粉薄暗澹衣裳故最似紅牡丹雨來春欲

莫夢魂良易驚甯境難久寓夜夜望天河無由重

沿沂結念心所期返如禪頓悟覺來八九年不向

花週顧雜合南京春喧闐衆禽護我到看花時但

作懷仙句浮生轉經歷道性尤堅固近作夢仙詩  
亦知勞肺腑一夢何足云良時事婚娶當年二紀  
初嘉節三星度朝薜玉珮迎高松女蘿附韋門正  
全盛出入多歡裕甲第漲清池鳴騶引朱輅廣榭  
舞菱粲長筵賓雜曆青春詎幾日華實潛幽蠹秋  
月照潘郎空山懷謝傅紅樓嗟壞壁金谷迷荒戍  
石壓破闌干門推舊樅桓雕云覺夢殊同是終難  
駐棕緒竟何如禁絲不成絢卓女白頭吟阿嬌金  
屋賦重壁盛姬臺青冢明妃墓盡委窮塵骨皆隨  
流波注幸有古如今何勞縑比素况余當盛時蚤

歲諾如務詔冊冠賢良諫垣陳好惡三十再登朝  
一登還一仆寵榮非不垂遭迴亦云屢直氣在膏  
育氛氲日沉痼不言意不快快意多言忤忤誠人  
所賊性亦天之付乍可沉爲香不能浮作瓠誠爲  
空所守未爲明所措事事身已經營營計何誤美  
玉琢文珪良金填武庫徒謂自堅貞安知受鑿鑄  
長絲羈野馬密網羅陰兔物外各迢迢誰能遠相  
銅時來旣若飛禍速當如驚曩意自未精此行何  
所訴努力去江陵笑言誰與晤江花縱可憐奈非  
心所慕石竹逞姦黠蔓藟誇畝數一種薄地生淺

深何足妬荷葉水上生團團水中住爲水置葉中  
君看不相污

桐花落

莎草遍桐陰桐花滿莎落蓋覆相團圓可憐無厚  
薄昔歲幽院中深堂下簾幕同在後門前因論花  
好惡君誇沉檀樣云是指搗作暗澹滅紫花拘連  
蹙金萼都繡六七枝鬪成雙孔雀尾上稠疊花又  
將金解絡我愛看不已君煩睡先着我作繡桐詩  
繫君裙帶着別來苦修道此意都蕭索今日竟相  
牽思量偶然錯

恨粧成

曉日穿隙明開帷理粧點傅粉貴重重施朱憐冉  
冉柔鬟背額垂叢鬢隨釵斂凝翠暈蛾眉輕紅拂  
花臉滿頭行小梳當面施圓靨最恨落花時粧成  
獨披掩

曹十九舞綠鈿

急管清弄頻舞衣纔攬結含情獨搖手雙袖參差  
列蹀裊柳牽絲炫轉風迴雪凝眄嬌不移住往度  
繁節

閨晚

紅裙委罇堦玉爪務朱橋素臆光如砑明瞳豔凝  
溢調絃不成曲學書徒弄筆夜色侵洞房香烟透  
簾出

曉將別

風露曉淒淒月下西牆西行人帳中起思婦枕前  
啼屑屑命僮御晨裝儼已齊將去復攜手日高方  
解攜

薔薇架

清水  
罌

五色堦前架一張籠上被殷紅稠疊花半綠鮮明  
地風蔓羅裙帶露英蓮臉淚多逢走馬郎可惜簾



邊思

七言古詩

櫻桃花

櫻桃花一枝兩枝千萬朵  
花樽曾立摘花人  
窄破羅裙紅似火

月暗

月暗燈殘面牆泣  
羅纓斗重知啼濕  
眞珠簾斷蝙蝠飛  
燕子巢空螢火入  
深殿門重夜漏嚴  
柔

年急君王掌上容  
一人更有輕身何處立

古決絕詞三首

乍可爲天上牽牛織女星不願爲庭前紅樓校書  
月七日一相見相見故心終不移那能朝開暮飛  
去一任東西南北吹分不兩相守恨不兩相思對  
面且如此背面當可知春風撩亂伯勞語況是此  
時拋去時握手若相問竟不言後期君情既決絕  
妾意已參差借如死生別安得長苦悲

噫春冰之將泮何余懷之獨結有美一人於焉曠  
絕一日不見比一日於三年沉三年之曠別水得  
風兮小而已波筓在苞兮高不見節矧桃李之當  
春競衆人而攀折我自顧悠悠而若雲又安能保

君皚皚之如雪感破鏡之分明睹淚痕之餘血幸  
他人之既不我先又安能使他人終不我奪已焉  
哉織女別黃姑一年一度暫相見彼此隔河何事  
無

夜夜相抱眠幽懷尚沉結那堪一年事長遣一宵  
說但感久相思何暇暫相悅虹橋薄夜成龍駕侵  
晨列生憎野鵲性遲迴死恨天雞識時節曙色漸  
曠矚華星欲明滅一去又一年一年何可徹有此  
迢迢期不如死生別天公可是妬相憐何不便教  
相決絕

和樂天示楊瓊

我在江陵少年日，知有楊瓊初喚出。腰身瘦小歌  
圓緊，依約年應十六七。去年十月過蘇州，瓊來拜  
問郎不識青衫上，貌何處去安得紅裳遮頭白。我  
語楊瓊莫語汝，雖笑我笑汝。汝今無復小腰  
身，不似江陵時好女。楊瓊爲我歌，送酒爾憶江陵  
縣中否。江陵王令骨爲灰，車來嫁作尚書婦。廬戡  
及第巖澗在其餘，死者十八九。我今賀爾亦自多，  
爾得老成予白首。

楊瓊本名播，少爲江陵酒妓。去  
年姑蘇過瓊，敘舊及今見樂天。

此篇用走筆  
是書此曲

崔徽歌

麗情集云崔徽河中府娼也裴敬中

以興元幕使蒲州與徽相從累月敬中使還崔以不得從爲恨因而成疾有

夏善寫人形徽託寫真寄敬中曰崔徽一

旦不及畫中人且

爲郎死發狂卒

崔徽本不是娼家教歌按舞娼家長使君知有不  
自由坐在頭時立在掌有客有客各各丘夏善寫儀  
容得姿把爲徽持此謝敬中以死報郎爲

五言律詩

新秋

且暮已淒涼離人遠思忙夏衣臨曉薄秋影入簷  
長前事風隨扇歸心燕在梁殷勤寄牛女河漢正

相望

贈雙文

豔極翻含怨，憐多轉自嬌。  
有時還暫笑，閒坐更無  
憀。曉月行看墮，春酥見欲消。  
何因肯垂手，不敢望  
迴腰。

春別

幽芳本未闌，君去蕙花殘。  
河漢秋期遠，關山世路  
難。雲屏留粉絮，風幌引香  
蘭。腸斷迴文錦，春深獨  
自看。

夢昔時

閒窻結幽夢此夢誰人知夜半初得處天明臨去  
時山川已久隔雲雨兩無期何事來相感又成新  
別離

丁籤九十四元稹之

二十六  
豔詩二

唐音統籤卷

四百七  
十九

五言排律

代九九

昔年桃李月顏色共花宜  
迴臉蓮初破低蛾柳並  
垂望山多倚樹弄水愛臨池  
遠被登樓識潛因倒  
影窺隔林徒想像上砌轉  
透遙謾擲庭中果虛攀  
藉外枝強持文玉珮求結  
麝香襦阿母憐金重親  
兒要馬騎把將嬌小女嫁  
與冶遊見自隱勤勤索  
相要事事隨每常同坐臥  
不省暫參差纔學羞兼  
妬何言寵便移青春來易  
皎白日誓先虧辭性噴



來見邪行醉後知別牀鋪枕席當面指瑕疵妾貌  
應猶在君情遽若斯的成終世恨焉用此宵爲鸞  
鏡燈前撲鴛衾手下躡參商半夜起琴瑟一聲離  
努力新叢豔狂風次第吹

盧十九子蒙吟盧七員外洛川懷古六韻命  
余和

聞道盧明府閒行味洛神浪圓疑靨笑波鬪憶眉  
頻蹀躞橋頭馬空漾水上塵草芽猶犯雪冰岸欲  
消春寓目終無限通辭未有因子蒙將此曲吟似  
獨眠人

會真詩三十韻

事詳宮閨部鶯鶯下今考鶯鶯傳張生與鶯鶯遇作會真

詩三十韻獮生之友亦作續會真詩三十韻乃傳中張詩不載獨載此詩明稹卽張生此詩卽張生詩是稹撰傳徵古也夢春遊詩敘與鶯鶯告絕及娶韋夫人斷絃以後情事歷歷自明不辨而知其會真之爲稹矣

微月透簾櫳  
螢光度碧空  
遙天初縹緲  
低樹漸葱蘢  
龍龍吹過庭  
竹鸞歌拂井  
桐羅綃垂薄  
霧環珮響  
輕風絳節隨  
金母雲心捧  
玉童更深人  
悄悄晨會  
雨濛濛  
珠瑩光文履  
花明隱繡籠  
寶釵行彩鳳  
羅帷掩丹虹  
言自瑤華浦  
將朝碧帝一作玉  
宮因遊李

洛作

城北偶向宋家東  
戲調初徵拒柔情已暗通

低鬟蟬影動迴步玉塵蒙轉面流花雪登牀抱綺  
叢鴛鴦交頸舞翡翠合歡籠眉黛羞偏聚朱唇暖  
更融氣清蘭藥馥膚潤玉肌豐無力慵移腕多嬌  
愛斂躬汗光珠點點髮亂綠葱葱方喜千年會俄  
聞五夜窮留連時有限繼綵意難終慢臉含愁態  
芳詞誓素衷贈環明運合留結表心同啼粉留清  
一作鏡殘燈透暗蟲華光猶冉冉旭日漸瞳瞳警  
流宵乘還歸洛吹簫亦上嵩衣香猶染麝枕膩尚殘紅  
暮暮臨塘草飄飄思渚蓬素琴鳴怨鶴清漢望歸  
鴻海闊誠難度天高不易冲行雲無處所簫史在

樓中

七言律詩

寄薛濤

牧豎閉談云稹初受監察使蜀知有薛濤難得見嚴司空潛知其意每遣薛往酒樓登翰林濤歸浣花造小榻於花牋百餘幅題詩獻稹稹於紙上寄贈薛常

好種苜蓿

蕭放云

錦江滑膩峨眉秀，幻出文君與薛濤。  
言語巧偷鸚鵡舌，文章分得鳳凰毛。  
紛紛辭客多停筆，箇箇君侯欲夢刀。  
別後相思隔烟水，菖蒲花發五雲高。

寄舊詩與薛濤因成長句

詩篇調態人皆有，細膩風光我獨知。  
月夜詠花憐

唐音統鑑

卷四百七十九

三

丁

暗澹雨朝題柳爲歌垂長教碧玉藏深處總向紅  
殘寫自隨老大不能收拾得與君閒似好一作開  
似教

男兒

鶯鶯詩

殷紅淺碧舊衣裳取次梳頭闌澹妝夜合帶網籠  
曉月牡丹經雨泣殘陽低迷隱笑原非笑彷彿聞  
香不是香頻動橫波噴阿母等閒教見小兒郎

贈劉採春

採春詳前五律題東武亭詩下  
望夫歌卽羅噴曲在雜曲內

新粧巧樣畫雙蛾慢裏恒州透額羅正面偷輪光  
滑笏緩行輕踏皺紋靴言辭雅措風流足舉止低

秀媚多更有惱人腸斷處選詞能唱望夫歌

友封體

黔府寶華  
字友封

雨送浮涼夏簟清小樓腰褥怕單輕微風暗度香  
囊轉隴月斜穿隔子明樺燭焰高黃耳吹柳堤風  
靜紫騮聲頻頻聞動中門鎖桃葉知噀未敢迎

箏

莫愁私地愛王昌夜夜箏聲怨隔牆火鳳有皇求  
不得春鴛無伴轉空長急揮舞破催飛燕慢逐歌  
詞弄小娘死恨相如新索婦在將心力爲他狂

五言絕句

魚中素

重疊魚中素幽緘手自開斜紅餘淚蹟知着臉邊  
來

桃花

桃花淺深處似勻深淺粧春風助腸斷吹落白衣  
裳

七言絕句

劉阮妻二首

仙洞千年一度開等閒偷入又偷回桃花飛盡秋  
風起何處消沉去不來

芙蓉脂肉綠雲鬟  
畫樓臺青黛山  
千樹桃花萬  
年藥不知何事憶人間

莫秋

背着牆西日又沉  
步廊迴合戟門深  
栖鳥滿樹聲  
聲絕小玉上牀鋪夜衾

壓牆花

野性大都迷里巷  
愛將高樹記人家  
春來偏認平  
陽宅爲見牆頭拂面花

舞腰

裙裾旋旋手迢迢  
不趁音聲自趁嬌  
未必諸郎知



曲悞一時偷眼爲迴腰

白衣裳二首

雨濕輕塵隔院香  
玉人初着白衣裳  
半含惆悵閒看繡  
一朵梨花壓象牀

藕絲衫子柳花裙  
空着沉香慢火薰  
閒倚屏風笑周昉  
枉拋心力畫朝雲

憶事

夜深閒到戟門邊  
却遶行廊又獨眠  
明月滿庭池水深  
桐花垂在繡簾前

看花

努力少年求好官  
好花須是少年看  
君看老大逢花樹  
未折一枝心已闌

斑竹

得之湘流

一枝斑竹渡湘沅  
萬里行人感別魂  
知是娥皇廟前物  
遠隨風雨送啼痕

春曉

半欲天明半未明  
醉聞花氣睡聞鶯  
鶯啼兒撼起鐘聲  
動二十年前曉寺情

春詞二首

春來須到宋家東  
垂袖開懷待好風  
鶯藏柳暗無

唐音統籤

卷四百七十九

六

丁

人語唯有綺花滿樹紅

深院無人草樹光嬌鶯不語趁陰藏等閒弄水欲  
花片流出門前賺阮郎

所思二首

庭亮樓中初見時武昌春柳似腰肢相逢相失還  
如夢爲雨爲雲今不知

鄂渚濛濛烟雨微女郎魂逐暮雲歸只應長在漢  
陽渡化作鴛鴦一隻飛

離思詩五首

本事傳以爲  
悼韋夫人作

自愛殘粧曉鏡中環釵慢篸綠絲叢須臾日射燕

脂頰一朵紅蘇旋玉融

山泉散漫遶堦流萬樹桃花映小樓  
閒讀道書慵未起水晶簾下看梳頭

紅羅着壓逐時新杏子花紗嫩麴塵第一莫嫌材地弱些些  
紕纒最宜人

曾經滄海難爲水除却巫山不是雲  
取次花叢嬾迴顧半緣修道半緣君

尋常百種花齊發偏摘梨花與白人  
今日江頭兩三樹可憐和葉度殘春

雜憶五首

今年寒食月無光  
夜色纔侵已上牀  
憶得雙文通  
內裏玉櫳深處  
暗聞香

花籠微月竹籠烟  
百丈絲繩拂地懸  
憶得雙文人  
靜後潛教桃葉送鞦韆

寒輕夜淺遶迴廊  
不辨花叢暗辨香  
憶得雙文龐  
月下小樓前後捉迷藏

山榴似火葉相兼  
亞拂罽毹皆半拂  
簷憶得雙文獨  
披掩滿頭花草倚新簾

春冰消盡碧波湖  
漾影殘霞似有無  
憶得雙文衫

子薄鈿頭雲映襯  
紅蘇

酥一作

有所教

莫畫長眉畫短眉斜紅傷豎莫傷垂人人總解爭  
時勢都大須看各自宜

襄陽爲盧竇紀事五首

帝下真符召玉真偶逢遊女暫相親素書三卷留  
爲贈從向人間說向人

風弄花枝月照堦醉和春睡倚香懷依稀似覺雙  
環動潛被蕭郎卸玉釵

鶯聲撩亂曙燈殘暗覺金釵動曉寒猶帶春醒嫩  
相送櫻桃花下隔簾看

琉璃波面月籠烟  
暫逐蕭郎走上天  
今日歸時最  
腸斷迴江還是夜來船

花枝臨水復臨堤也  
照清江也  
照泥寄語東風好

擡舉夜來曾有鳳凰栖

一作馬戴詩

逸句四

兒歌楊柳葉  
妾拂石榴花

見紀事

偶因投秘簡  
聊

得泛平湖穴  
爲探符坼潭  
因失箭剗

陽明制投金簡見會稽

志原詩五十一韻今止存此

松門待制應全遠  
藥樹監搜可得

知文昌雜錄云唐宣政殿爲正衙殿廷東西有門松松下待制官立班之地舊圖猶存殿門外有

藥樹監察御史監搜之位  
在焉唐制百官入宮殿門必搜監察所掌也  
至太和元年監搜始停

髻髮峨峨高一尺門前立地看春風

李娃行  
詩彥周詩話

卷終



丁籤九十五

唐音統籤卷

四百八

劉禹錫字夢得系出中山洛陽都昌人也文章才  
麗尤工七言詩貞元九年登進士第博學宏詞科  
從事淮南幕府擢監察御史王叔文用事引為屯  
田員外郎判度支鹽鐵案預議禁中叔文敗坐貶  
朗州司馬落魄不自聊吐辭多諷托幽遠譬俗叢  
竹枝下神嘗依騷人義倚其聲作新辭十餘篇武  
陵夷俚悉歌之居十年召還將置之郎署以作玄  
都觀看花詩涉譏刺執政不悅復出刺播州裴度  
以母老為言改連州徙夔和二州久之徵入為主

客郎中又以作重遊玄都觀詩出分司東都度內  
薦為禮部郎中集賢直學士度罷出刺蘇州徙汝  
同二州終太子賓客分司會昌時加檢校禮部尚  
書卒年七十一贈戶部尚書常貞元太和間以文  
學聲動播紳間者稱禹錫與柳子厚其詩如西塞  
懷古金陵寺篇人多傳誦不幸坐廢偃蹇寡所合  
惟以吟咏自適居東郊與白居易酬復為多早年  
人稱劉柳晚乃稱劉白抗衡兩人間禹錫嘗自言  
柳儀曹謂吾文雋而膏味無窮矣而愈出而居易  
亦嘗推之為詩豪至謂不幸遇夢得不得獨步云

詩集十八卷

宋次道錫集本四十卷宋逸其十常山

詩十卷外集詩八卷正集異中名曰外集內正集

至外集雖揚升卷亦云未見其全惟嶺南蔡氏表

嘉靖中得自京師藏書家者為獨傷今取正外二

集詩合編之問取一二逸者補為仍為十八卷以

存其舊初禹錫與群賢唱和各有小集今亦併入

卷中不另為編節錄其序格考彭陽唱和集自

序云丞相彭陽公貴為元老以篇詠佐琴壺所適

閒澹銷然如朱松玉磬名聞世間鄙人流落不試

曾中之氣伊鬱婉凝為章句以道懸祖凄然如

撫桐孤竹名聞世間雖窮遠異趨而相遇甚好

會面必行懷鐵居必寄與重酬累贈休偻今古好

事者多傳布之於是緝傲物成三卷彭陽公今狐

楚也吳蜀集引云長慶四年余為歷陽守今丞

相趙郡李公時鎮南徐州每賦詩飛函相示且命

同作爾後幸遠尔如隣封几耐唱始江南柘劍外

故以吳蜀為日李即贊皇公德裕也汝洛集引

云太和八年余自姑蘇轉臨汝樂天罷三州守復

以賓客分司東都石詔領馮翊不拜予代居左馮

書南院集卷四百八十一

明年余罷郡以省客入洛日以章句交懷曰彭城劉  
命為汝洛集也其聲森然少敢當者予不覺力往  
夢得詩豪者也其聲森然少敢當者予不覺力往  
性犯之夫合應者聲同交爭者力敵一往一復多  
罷不能一二年來日尋筆研同和唱一往一復多  
至夫和三年春已前存者九一十命小廷龜見  
乘興扶醉率然口誦者不在此數同命小廷龜見  
偏勒成兩軸仍寫二本一付龜見一投夢得小男  
崑即各令收藏附兩家文集予頃與元微之唱和  
頗多或在人口今重忘復遇夢得雪裡高山頭白  
於詩若妙與神則吾豈敢如夢得雪裡高山頭白  
早海中仙果子生遲沉舟側畔千帆過病樹前頭  
萬木春之句之類真謂神妙矣在：破：應有吳  
物護持之豈唯兩家子弟秘藏而已又夢得論  
詩堂云詩其文章之蘊耶義得而己故容秋毫  
能境生於象外故精而寡和千里之謬不吝行於  
非有的然之姿可使戶曉必俟知者然後敷毫  
時又云片言之可明百意坐馳可以役萬景工於  
詩者能之風雅體以安而共古調二若還相為用  
於詩者能之風雅體以安而共古調二若還相為用

而後詩道備矣  
沈若痛飲小  
德順憲穆歎  
莫道桑榆晚  
不獨  
矣

後村劉氏曰夢得詩確評老蒼  
不能及他句尤工又曰夢得歷  
七朝其詩尤多感慨答樂天之  
尚滿天亦是見其精華老而

### 四言古詩

澤宮詩 并序

澤言送士歲貢也晉昌唐如晦以信詔為良弓  
文學為蔽矢現爵祿猶裝禽盜殺持滿適風蚤  
傲者教矣有指括之妙而尊楚錫之獲輟弓收  
視歸窅其術由是跡愈屈而名愈聞君子益多  
之彼不由其術一幸而中者雖懸鞭在廷君子  
未嘗多也歲  
庶見子之分  
弗再張也已

秩秩澤宮有的維鵠初庶士于以干祿彼鵠斯

微若止若翔千里之差起于毫芒我矢既直我弓  
既良依于高墉因我不減高墉伊何維器與時視  
之以心誰謂鷗微

五言古詩一

團扇歌

團扇復團扇奉君清暑殿秋風入庭樹從此不相  
見上有乘鸞女蒼々網蟲遍明年入懷袖別是機  
中練

華山歌

洪鑪作高山元氣鼓其索俄然神功就峻拔在寥

廓露跡露指爪殺氣見稜角凡木不敢生神仙聿  
來托天寶帝王宅以我為閩鑰能令下國人一見  
換神骨高山固無限如此方為嶽丈夫無將達難  
貴猶碌

宜城歌

野水繞空城行塵起孤驛荒臺側生栢石碣陽鏤  
額靡<sub>レ</sub>度行人溫風吹宿麥

順陽歌

朝辭官軍驛前望順陽路野水齧荒墳杖屨鏤宮  
樹曾聞天寶來胡馬西南驚城守魯將軍拔城從

此去

蠻子歌

蠻語鈎鞞音蠻衣斑斕重裡掘沙鼠時節祠盤  
瓠忽逢乘馬客恍若驚膚顧腰斧上高山意行無  
舊路

莫徭歌

莫徭自生長名字無符籍市易雜蛟人婚姻通水  
客屋居占泉眼火種開山脊夜渡千仞谿含沙不  
能射

棹田歌

并引



連州城下俯接村墟偶登郡樓遙有  
所處遂書其事為俚歌以俟采詩者

岡頭花草齊燕子東西飛田塍望如線白水光參  
差農婦白紵裙農父綠蓑衣齊唱郢中歌嚶嚶如  
竹枝但聞怨響音不辨俚語詞時時一大笑此必  
相嘲嗤水平苗漠漠烟火生墟落黃犬往復還赤  
雞鳴且啄路傍誰家郎烏帽衫袖長自言上計吏  
年幼離帝鄉田夫語計吏君家儂定喻一來長安  
道眼大不相覩計吏笑致辭長安真大處省門高  
軒我儂入無度數昨來補衛士唯用筒中布君看  
二三年我作官人去

法華經疏  
葡萄歌

野田生葡萄纏繞一枝高移來碧墀下  
日日  
高分岐浩繁緝修蔓端詰曲揚翹向庭柯意思如  
有屬為之立長檠布漢當軒綠米液溉其根理跡  
者滲漉繁葩組緞結懸實珠璣蹙馬乳帶輕霜龍  
鱗曜初旭有客汾陰至臨堂瞪隻目自言我晉人  
種此如種玉釀之成美酒令人飲不足為君持一  
斗往取涼州收

壯士行

陰風振寒郊猛虎正咆哮徐行出燒地連吼入黃

茅壯士走馬去，鏖前擊玉，猶叱之使人立。一發如  
鍍交悍，睛忽星墮，飛血濺林梢。彪炳為我，席羶腥  
充我庖。里中欣害除，賀酒紛叟。魏明日長橋上，傾  
城看斬蛟。

苦雨行

悠々飛走情，同樂在陽和。歲中三百日，常恐風雨  
多天入。信邈遠時節，易蹉跎。洞房有明燭，無妨酣  
且歌。

百花行

長安百花時，風景宜輕薄。無人不沽酒，何處不聞

樂春風夜連動微雨陵曉濯紅焰出牆頭雪光映  
樓角繁紫蔭松竹遠黃統籬落臨路不勝愁輕飛  
去何託滿度蕩魂魄照庶成丹渥爛熳嗾顛狂飄  
零勸行樂時節易晚晚清陰覆池閣唯有安石榴  
當軒慰寂寞

馬嵬行

綠野扶風道黃塵馬嵬驛路邊揚貴人墳高三四  
尺乃問里中兒董言幸蜀時軍家誅戚族天子捨  
妖姬群吏伏門屏貴人牽帝衣低回轉美目風日  
為無暉貴人飲金屑倏忽舜英暮平生服古丹顏

色真如故屬車塵已遠里巷來窺覷共愛宿粧妍  
君王畫眉處履綦無復有文組光未滅不見巖畔  
人空見凌波襪郵童愛踪跡私手解槃結傳者千  
萬眼縷絕香不歇指環照骨明首飾敵連城將入  
咸陽市猶得買胡鶯

白太守行

聞有白太守橐官歸舊谿蘄州十萬戶盡作嬰兒  
啼太守駐行舟閭門草萋萋揮袂謝啼者依然兩  
眉低來戶非不崇我心如重狴華池非不清意在  
寥廓栖翥者竊所怪賢者默思齊我為太守行題

在隱起珪

初夏曲三首

銅壺方促夜斗柄暫南回  
稍嫌單衣重初憐北戶  
開西園花已盡新月為誰來

時節過繁華陰<sub>七</sub>千萬家  
巢禽命子戲園果墜枝  
斜寂寞孤飛蝶窺叢覓晚花  
綠水風初暖青林露未晞  
麥隴雉朝雊桑野人暮  
歸百舌悲花盡無聲來去飛

搗衣曲

莫砧應秋律繁杵含淒風  
一一遠相續家<sub>七</sub>音不

同戶庭凝露清伴侶明月中長裾委襪積輕珮出  
璵璣汗餘衫更馥鈿移麝牛空報寒鷺遙鴈促思  
聞候燕天狼正芒角虎落定相攻盈篋寄何處征  
人如轉蓬

拋毬樂詞

五綵綉圍。登君瑤瑁筵最宜紅燭下偏趁落花  
前上客如先起應須贈一船  
春早見花枝朝。恨發遲及看花落後却憶未開  
時幸有拋毬樂一杯更莫辭

華清宮詞

日出驪山東  
翠袖照溫泉  
樓臺影玲瓏  
稍已開白  
烟言昔太上  
皇常居此祈  
年風中聞清  
樂往已來  
列仙翠華入  
五雲紫氣踞  
上玄哀已生  
人淚泣盡  
弓劍前聖道  
本自我凡情  
徒顯然小臣  
感玄化一  
望青冥天

武夫詞 并引

有武夫過詫余以沒軍之樂翌日贊于通武之  
善經者則曰采有樂也夫感恣而實劣則樂用  
感雌而實醜則樂理顧其  
樂安出耳予傷然作是詞

武夫何沈沈  
洗衣紫襲絳裳  
借問胡為尔  
列校在鷹  
揚  
依倚將軍勢  
交結少年場  
授丸害公吏  
袖刃妬



鋤起視黃尤旗介馬晨蕭上陣雲竟天涯陰風獵  
白草旌檠光參差勇氣貫中腸視身忽如遺曾擒  
白馬將虜騎不敢追貴臣上戰功名姓隨意移終  
歲肌骨苦他人印纍纍謁者既清宮諸侯各罷戲  
上將賜北第門戟不可窺皆血下沾襟天高問無  
期却尋故鄉路孤影空相隨行逢里中舊撲檄昔  
所唾一言合侯王腰佩黃金龜問我何自苦可憐  
真教竒運回顧徒御得色懸雙眉翻然悟世途撫  
已昧所宜田園已蕪沒流浪江海渴鷺禽毛翮摧  
不見高翔姿衰容蔽逸氣孑孑無人知寂寞草玄

徒長吟下書帷聞君發哀韻若扣瑤林枝有客識  
其真潺湲涕交頤勸爾一杯酒陶然足自怡

萋兮吟

天涯浮雲生爭蔽日月光窮巷秋風起先摧蘭蕙  
芳萬貨列旗亭恣心注明瑞名高毀所集言巧智  
難防勿謂行大道斯須成太行莫吟萋兮什徒使  
君子傷

鷓鴣吟

朝陽有鳴鳳不聞千萬祀鷓鴣催衆芳晨間先入  
耳秋風白露晞從是商啼時如何上春日唧唧滿

鹿飛

有獺吟

有獺得嘉魚自謂天見憐先祭不敢食捧鱗望涓  
玄人立寒沙上心專脰着肩漁翁以為妖舉塊投  
其前呼兒貫魚歸與獺同烹煎闕。黃金鷄大翅  
搖江烟下見盈尋魚投身擘洪漣攫擊隱鱗去哺  
雛林岳巔鷓鴣鳥欲伺隙遙撰莫敢前長居青雲路  
彈射無由緣何地無江湖何水無鮪鱸天意不宰  
割菲祭徒虔虔空餘知禮重載在淹中篇

觀雲篇

興雲感陰氣疾足如見機暗來意態行有若功成  
歸葱籠含晚景潔素凝秋暉夜深度銀漢漢上仙  
人衣

磨鏡篇

流塵翳明鏡歲久看如漆門前負局人為我一磨  
拂萍開綠池滿暈盡金波溢白日照空心圓光走  
幽室山神妖氣沮野魅真形出却思未磨時瓦礫  
來唐突

丁籤九十五劉禹錫之二

唐晉統籤卷

四百八十一

五言古詩二

學阮公體三首

少年負志氣信道不從時  
只言繩且直安知室可  
欺百勝難慮敵三折乃良醫  
人生不失意焉能慕  
已知

朔風悲老驥秋霜動鷺禽  
出門有遠道平野多層  
陰滅沒馳絕塞振迅拂華林  
不因感衰節安能激  
壯心

昔昔多使氣憂國不謀身  
目覽千載事心交上古

人候門有仁義靈臺多苦辛不學腰如磬徒使甌  
注塵

詠古二首有所寄

車音想鱗鱗不見綦下塵可憐平陽第歌舞嬌青  
春金屋容色在文園詞賦新一朝復得幸應知失  
意人

寂。照鏡臺遺基古南方真人昔來遊翠鳳相隨  
翔目成在桑野志遠貯椒房豈無三千女初心不  
可忘

偶作二首

終朝對尊酒嗜興非嗜甘終日偶衆人縱言不縱  
談世情閑盡見藥性病多諳寄謝松中散予無甚  
不堪

萬卷堆床書學者識其真萬里長江水征夫渡要  
津養生非但藥悟佛不困人燕石何須辨逢時即  
至珍

失題

見張為  
主客園

故人日已遠愔下塵滿琴坐對一樽酒恨多無力  
斟幕疎螢色迥露重月華淡萬境興羣籟此時情  
豈任

謫居悼往二首

邑々何邑邑長沙地卑濕樓上見春多花前恨風  
急猿愁腸斷叫鶴病翹趾立牛衣獨自眠誰哀仲  
卿泣

鬱々何鬱々長安遠於日終日念鄉關燕來鴻復  
還滿岳歲寒思屈平顛顛顛殷勤望歸路無雨即  
登山

讀張曲江集作

并引

世稱張曲江為相建言放臣不宜與善地多從  
五陵不毛之鄉及今讀其文自內穢收姑亦有  
瘠腐之歎自退相守荆門有拘囚之思託鵝禽  
鳥寄詞草樹鬱然有燈人風嗟夫身出於遐陬



一失意而不能堪州華人士族而必致醜地然  
後快意哉議者以曲江為良臣識胡鵠有反相  
蓋凡器與同列密啟廷爭雖古哲人不及而燕  
翼無似終為酸醜豈懷心失怨陰譎最大蚩二  
美莫賄邪不然何表公一言明楚獄而鍾離四  
葉以是相較神可誣乎予讀其文因為詩以吊  
聖言貴忠恕至道重觀身法在何所恨色傷斯為  
仁良時難久恃陰譎豈無因寂寞昭陽廟魂歸不  
見人

早夏郡中書事

水禽渡淺月飛雨灑高城華堂封嘉樹簾廡含曉  
清拂鏡整危冠振衣步前楹將吏儼成列簿書紛  
來縈言下辨曲直筆端破交爭虛懷詢病苦懷律

操剝輕閨吏吉無事歸來解簪纓高簾覆朱閣忽  
坐聞調笙

海陽十咏 并序

元次山始作海陽湖後之人或立亭榭率無指  
名及余而大倚每流鑿搆置必揣稱以標之人  
咸曰有旨異日遷官裴侍御為十咏以示予頗  
明麗而不虛美曰提拾裴詩所未道者從而和  
之

吏隱亭

結構得竒勢朱門交碧潯外來始一望寫盡平生  
心日軒漾波影月砌鏤松陰幾度歌歸去回眸情  
更深

切雲亭

迥破林烟出俯窺石潭空波搖杏梁日松韻碧窻  
風隔水生別島帶橋如斷虹九疑南面事盡入寸  
眸中

雲英潭

芳幄覆雲屏石奩開碧鏡支流日飛洒深處身疑  
瑩潛去不見跡清音常滿聽有時病朝醒來此心  
神醒

玄覽亭

瀟洒青林際蒼綠碧潭隈淙流冒石下輕波逐砌

回香風逼人度幽花覆水開故令無四壁晴夜月  
光來

裴溪

時御史已  
過新恩

楚客憶關中疏溪想汾水紫紆非一曲意態如千  
里倒影羅文動微波笑顏起君今賜環歸何人承  
玉趾

飛練瀑

晶：擲巖端紫光如可把瓊枝曲不折雪片晴猶  
下石墜激清響業動承餘洒前池明月中見是銀  
河瀉

蒙池

滌滄幽壁下  
淡靜如無力  
風起不成文  
月來同一色  
地靈草木瘦  
人遠烟霞逼  
疑列仙圍碁在  
岩側

琴絲瀑

飛流透嵌隙  
噴洒如絲琴  
含暈迎初旭  
翻光破夕曛  
餘波繞石去  
碎響隔溪聞  
却望瓊沙際  
逶迤見脈分

雙溪

流水遠雙島  
碧溪相並深  
浮花攏曲處  
遠影落中

心閒鷺久獨立曝龜驚復沈蘋風有時起滿谷簫韶音

月窟

濺濺漱幽石注入團圓處有如常滿杯承彼清夜  
露巖曲月斜照林寒春晚照道人不敢觸恐有蛟  
龍護

秋晚題湖城驛池上亭

秋次池上館林塘照南榮塵衣紛未解幽思浩已  
盈秋蓮墜故萼露菊含晚英恨為一夕客愁聽晨  
雞鳴

曲江春望

鳳城烟雨歇萬象含佳氣酒後人倒狂花時天似  
醉三春車馬客一代繁華地何事獨傷懷少年曾  
得意

善卷壇下作

在秣  
山上

先生見堯心相與去九有斯民既已治我得安林  
藪道為自然貴名是無窮壽瑤壇在此山識者常  
回首

登司馬錯古城

自注秦昭王命錯徂五溪  
壘城在武陵沅江南

將軍將秦師西南莫遐服故壘清江上蒼烟晦喬

木登臨值蕭辰周覽壯前躅整平陳葉滿墻高秋  
蔓綠廢井抽寒菜毀臺生穉穀耕人得古器宿雨  
多遺鏃楚塞鬱重疊蠻溪紛詰曲留此數仞基幾  
人傷遠目

望衡山

東南倚蓋卑維嶽資柱石前當祝融居上拂朱鳥  
翻青冥結精氣磅礴宣地脉還聞膚寸陰能致彌  
天澤

客有為余話登天壇過雨之狀因以賦之

清晨登天壇半路逢陰晦疾行穿雨過却立視雲



背白日照其上風雷走於內混濛雪海翻槎牙玉  
山碎蛟龍露鬚鬣神鬼含變態萬狀互生滅百音  
以繁會俯觀群動靜始覺天宇大山頂自微明人  
間已霽霈豁然昏重歛澹若春冰碎爰照入松門  
瀑流飛縞帶遙光泛物色餘韻吟天籟洞府撞仙  
鐘村墟起夕靄却見山下侶已如迷世代問我何  
處來我來雲雨外

有僧言羅浮事因為詩以寫之

君言羅浮上容易見九垓漸高元氣壯洵湧來翼  
身夜宿最高峯瞻望浩無鄰海黑天宇曠星辰來

通人是時當眦魄陰物恣騰振日光吐鯨背劍影  
開龍鱗倏若萬馬馳旌旗聳瀚淪又如廣樂奏金  
石含悲辛疑其有巨靈恠物盡來賓陰陽迭用事  
乃俾夜作晨呶嚶天雞鳴扶桑色昕昕赤波千萬  
里湧出黃金輪下視生物息霏如隙中塵醞雞仰  
甕口亦謂雲漢津世人信耳目方寸度太鈞安知  
視聽外恠愕不可陳悠悠想大方此乃梧水濱知  
小天地大安能識其真

遊桃源一百韻

沅江清悠。連山鬱岑寂。回流抱絕巘。皎鏡含虛。

碧昏旦遞明媚烟嵐紛委積香蔓垂綠潭暴龍照

孤磧

自注山下潭名暴龍

淵明著前志子驥思遠跡

騷子

事見陶光

寂寞無何鄉密爾天地隔金行太元歲

漁者偶探贖尋花得幽踪窺洞穿闌隙依微聞雞

犬駭達值阡陌居人互相迎笑語如平昔廣樂雖

交奏海禽心不悻揮手一來歸故溪無處覓絲

五百載市朝幾遷革有路在壺中無人知地脈皇

家感至道聖祚自天錫金闕傳本枝玉函留寶曆

禁山開秘宇複戶潔靈宅

詔隸二十戶免

棗檢香

氛氲醜壇烟幕我來塵外躡瑩若朝星析崖轉

對翠屏水窮留畫鷁一休俯喬木千級攀峭壁旭  
日聞撞鐘絲雲迎躡履遂登最高頂縱目還楚澤  
平湖見青草遠岸連霞赤幽尋如夢想綿思屬空  
閒黃綠且忘疲耽玩近成癖清猿伺曉發瑤草凌  
寒折祥禽舞葱籠珠樹搖玃璪羽人顧我笑勸我  
稅歸旣霓裳何飄颻童顏潔白替重岩是藩屏馴  
鹿受羈勒棲居迎清霄蘿萼成翠帟仙翁遺竹杖  
王母留桃核姹女飛丹砂青童護金液寶氣浮鼎  
耳神光生劍脊虛無天樂來悉率鬼兵役丹丘肅  
朝禮玉札互紉繹枕中淮南方牀下阜鄉鳥明燈

坐遙夜幽籟聽淅瀝因話近世仙聳然心神揚乃  
言翟氏子骨狀非凡格徃事黃先生群兎多侮劇  
警然不屑意元氣貯肝膈徃々遊不歸洞中觀博  
奕言高未易信猶復加訶責一旦前致辭自云仙  
期迫言師有道骨前事常被謫如今三山上名字  
在真籍悠然謝主人後歲當來覲言畢依庭宇如  
烟去無跡觀者皆失次驚追紛絡繹日暮山徑窮  
松風自蕭滅適逢修蛇見暝目光激射如巖三清  
居不使恣搜索唯餘步綱勢八趾在沙磔至今東  
北隅表以壇上石列仙徒有名世人非目擊如何

庭廡際白日振羽翮洞天豈幽遠得道如咫尺一  
氣無死生三光自遷易因思人間世前路何湫窄  
瞥然此生中善祝期滿百大方播群類秀氣肖翕  
關性靜本同和物牽成阻阨是非闢方寸葷血昏  
精魄遂令多大傷猶喜見斑白喧々車馬馳苒々  
桑榆夕共安綬綉榮不悟泥途適紛吾本孤賤世  
業在逢掖九流宗指歸百代旁播推公卿偶慰薦  
鄉曲繆推擇居安白社貧志傲玄纁辟功名希自  
取簪組俟揚歷書府蚤懷鈞射宮曾發的起草香  
生帳坐曹烏集栢賜燕聆簫韶侍祠閱琮璧嘗聞

履忠信可以行靈貺自迷希古心妄恃于時畫巧  
言忽成錦苦志徒食藥平地生荦巖深心有矛戟  
層波一震盪筋植忽淪溺北渚吊靈均長岑思亭  
伯禍來昧幾兆事去空歎息塵累與時深流年隨  
漏滴才能疑木屨報施迷夷跣楚奏繁鍾儀高歌  
勞密戚粟生非懸解對境方感激自從嬰禍羅每  
事問龜策王正降雷雨環珖賜遷斥儻復夷平人  
誓將依羽客買山構精舍領徒開謀席莫無身外  
憂自有閑中益道芽期日就塵慮乃冰釋且欲遺  
姓名安能慕竹帛長生尚學致一既豈虛擲芝朮

資糲糧烟霞拂中幘黃石履看隨洪崖肩可拍聊  
復嗟焮焮何煩哀虺場青囊既深味瓊苑亦屢摘  
總無西山姿猶免長戚々

晚步揚子游南塘望沙尾

淮海多夏雨晚來天始晴蕭條長風五千里孤雲  
生卑濕久喧濁掌間偶虛清客遊廣陵郡晚出臨  
江城郊外綠楊陰江中沙嶼明歸帆翳盡日去棹  
聞遺聲鄉國殊渺漫羈心目懸旌悠然京華意悵  
望懷遠程薄暮大山上廟々雙鳥征

見維  
揚志

步出武陵東亭臨江寫望



鷹至感風候霜餘變林麓孤飄帶日來寒江轉沙  
曲成搖旗影動津晚櫓聲促月上彩雲收漁歌遠  
相續

發蕪州後登武丘寺望梅樓

獨宿望梅樓夜深珍木冷僧房已閉戶山月方出  
嶺碧池涵劍彩寶剎搖星影却憶郡齋中虛眠此  
時景

途中早發

馬踏塵上霜月明岡頭路行人朝氣銳宿鳥相辭  
去流水隔遠村縵山多紅樹悠悠關塞內來往無

閒步

秋江早發

輕陰迎曉日霞霽秋江明草樹含遠思襟懷百餘  
情凝睇萬象起朗吟孤憤平渚鴻未矯翼而我已  
遐征因思市朝人方聽晨雞鳴昏々戀衾枕安見  
元氣英納燕耳目變玩竒筋骨輕滄洲有竒趣浩  
蕩吾將行

丁籤九十五劉禹錫之三

唐音統籤卷

四百八十二

五言古詩三

虎丘寺路宴

青林虎丘寺林際翠微路立見山僧來遙從鳥飛  
處茲峰淪寶玉千載惟丘墓埋劍人空傳鑿山龍  
已去捫蘿披翳蒼路轉夕陰遽虎嘯嗥谷寒猿鳴  
松杉暮徘徊北樓上海江窮一顧日映千里帆鷗  
歸萬家樹髮困憊所適果得捐外慮庭暗棲還雲  
簷香滴甘露久迷空寂理多為聲華故永欲投此

山餘生豈能悞

見吳郡志

冬夜宴河中李相公中堂命箏歌送酒

朗、鷓鴣絃華堂夜多思簾外雪已深座中人半  
醉翠蛾發清響曲盡有餘意酌我莫憂狂老來無  
逸氣

牛相公林亭雨後偶成

飛雨過池閣浮光生草樹新竹開粉奩初蓮蕖香  
注野花無時節水鳥自來去若問知境人人間第  
一處

樂天寄洛下新詩兼喜微之欲到因以抒懷  
也

松間風未起萬葉不自零池上月未來清輝同夕  
陰宮微不獨運壘篋自相尋一從別樂天詩思日  
已沉吟君洛中作精絕百鍊金乃知孤鶴情月露  
為知音微之從東來威鳳鳴歸林羨君先相見一  
豁平生心

謁柱山會禪師

我本山東人平生多感慨弱冠遊咸京上書金馬  
外結交當世賢馳聲溢四塞勉修貴及千狙捷不  
知退錙銖揚芬馨尋尺招瑕類淹留郢南鄙摧頽  
羽翰碎安能咎柱事且欲去沉痾吾師得真如自

在人寰內哀我墮名網有如翺飛輩曠々揚智燭  
照使出昏昧靜見玄闡啟歆然初心會夙尚一何  
微今得信可大覺路明證入便門通懺悔悟理言  
自忘處此道猶春色身豈吾寶慧性非形礙思此  
靈山期未卜何年載

洛中早春贈樂天

漠々復靄々半晴將半陰春來自何處無迹日以  
深韶嫩冰後木輕盈烟際林藤生欲有託柳弱不  
自任花意已含蓄鳥言尚沉吟期君當此時與我  
恣追尋翻愁爛熳後春暮却傷心

和樂天秋涼閒卧

暑退人體輕，雨餘天色改。  
荷珠貫索斷，竹粉殘粧。  
在高僧掃室，請逸客登樓。  
待槐柳漸蕭疎，閒門少  
光彩。

訓樂天七月一日夜即事見寄

夜樹風韻清，天河雲彩輕。  
故苑多露草，隔城聞鶴鳴。  
搖落從此始，別離含遠情。  
聞君當是夕，倚瑟吟商聲。  
外物豈不足，中懷向誰傾。  
秋來念歸去，同聽嵩陽笙。

和樂天譙李周美中丞宅池上賞櫻桃花

櫻桃千萬枝照耀如雪天王孫燕其下隔水疑神  
仙宿露發清香初易動暄妍妖姬滿髻挿須容折  
技傳同此賞芳日幾人有華道杯行勿遽辭好醉  
逸三年

酬樂天聞新蟬見贈

碧樹有蟬後烟雲改容光瑟然引秋氣芳草日夜  
黃夾道喧古槐臨池思垂楊離人下憶淚志士激  
剛腸昔聞阻山川今聽同匡牀人情便所遇音韻  
豈殊常因之比笙竽送我遊醉鄉

和樂天洛城春齊梁體八韻



帝城宜春入遊人喜意長  
草生李倫谷花出莫愁  
坊斷雲發山色輕風漾  
水光樓前戲馬地樹下  
闌鷄塲白頭自為侶綠  
酒亦滿觴滿園觀種植  
謝暨閱池塘至聞似隱  
逸過老不悲傷相問焉  
功德銀黃遊故鄉

和河南裴尹侍郎宿齊天平寺詣九龍祠祈  
雨二十韻

有事九龍廟潔齊梵王祠  
玉簫何時絕碧樹空涼  
颺吏散埃壙息月高庭  
宇宜重城蕭穆閉澗水  
潺湲時人稀夜復閒慮  
靜境亦隨紆懷斷齋足  
癡想

乘鸞姿未明盛農節膏澤方愆期瞻言五靈瑞能  
教百穀萎咽喔晨雞鳴欄杆斗柄垂修容謁神像  
注意陳正詞驚颺起泓泉若石雷兩師黑烟聳鱗  
甲灑液如芬綠豐隆震天摧列缺揮火旗炎空忽  
淒緊高雷懸便糜生物已霑霈濕雲稍離披丹霞  
啟南陸白水含東菑照日飛走適藹日草樹滋浮  
光動宮觀遠思盈川坻吳公拙於政謝守工為詩  
嵩山有病客言賀舒龐眉

裴祭酒尚書見示春歸城南青松塢別墅寄

王左丞高侍郎之什命同作

早宦閱人事晚懷生道機時從學者出獨墜郊園  
蹄野約度春水鶯花映巖扉石頭解金章林下步  
綠薇青松鬱成塢脩竹盈尺圍吟風起天籟蔽日  
無炎威危徑盤羊腸連甍聳翬飛幽谷響樵斧澄  
潭環釣磯因高見帝城冠蓋揚光輝白雪難持寄  
清韻投所希二公如長離比翼翔太微含情謝林  
壑酬贈駢珠璣願予久即潛愁寂對芳菲一聞止  
中趣再撫黃金徽

和令狐相公晚從漢江書懷寄洋州崔侍郎

閩州高舍人二首長

雨過遠山出江澄暮烟生因浮濟川舟遂作適野  
行却樹映緹騎水禽避紅旌田夫捐畚鍤織婦窺  
繁荆古岸夏花發遙林晚蟬清沿洄方翫境鼓角  
已登城却內有良牧望中寄深情臨觴念佳期泛  
瑟動離聲寂寞一病士風風昔接群英多謝謫仙侶  
幾時還上京

令狐相公見示贈竹三十韻仍命繼和

高人必愛竹寄興良有以峻節可臨戎虛心宜得  
士衆芳信妍媚威鳳難棲止遂於鑿鼓間移植東  
南美封以梁國土澆之浚泉水得地色不移凌空

勢方起新青排故葉餘粉籠疎理猶復隔牆藩何  
因出塵滓茲辰去前蔽永日勞瞪視械、林已成  
楚：玉相似親摹起心匠洗滌在頤指曲直既瞭  
然孤高何卓爾密楸覆內屏迸筍侵前祀妓席拂  
雲鬢賓階履珠履抱琴恣間翫執卷堪斜倚露下  
懸明璫風來韻清微堅貞貫四候標格殊百卉歲  
晚當自知繁華豈云比古詩無贈竹高唱從此始  
聽清瑤音崢然長在耳

訓牛相公獨飲偶醉寓言見示

宮漏夜丁；千門閉霜月華堂列紅燭絃管靜中

發歌眉低有思，舞體輕無骨。主人啟曉顏，酣暢決  
映髮。猶思城外客，阡陌不可越。春意日夕深，此歡  
無絀絕。

訓留守牛相公宮城早秋寓言見寄

曉月映宮樹，秋光起天津。涼風稍動葉，宿露未生  
塵。景氣尚芳麗，曠望感心神。揮毫成逸韻，開閣遲  
來賓。擬去將相印，漸為道遙身。如招後房宴，却要  
白頭人。

和浙西李大夫晚下北固山喜徑松成陰悵  
然懷古偶題臨江亭并浙東元相公所和依

本韻

一醉溫室樹幾見武昌柳荀謝年何少常平望已  
父種松夾石道紆組臨沙阜目覽帝王州心存股  
肱守業動驚絲翰波澄見頽首晉宋齊梁都千山  
萬江口煙散隋宮出濤來海門吼風俗太伯餘衣  
冠永嘉後江長天作限山固壞無朽自古稱佳麗  
非賢誰奄有八元邦族盛萬石門風孳天柱揭東  
溟文星照北斗高亭一騁望舉酒共為壽因賦詠  
懷詩遠寄同心友禁中晨夜直江左東西偶筆手  
握兵符儒腰盤貴綬頌條風有自立事言無苟農

野聞讓耕軍人不使酒用材當構廈知道夢窺臚  
誰為青雲高鵬飛終背負

和武中丞秋日寄懷簡諸僚故

退朝還公府騎吹息繁音吏散秋庭寂烏啼烟樹  
深威生奉白簡道勝外筆簪風物清遠目功名懷  
寸陰雲衢念前侶絲翰寫冲襟涼菊照出院敗荷  
攢碧潯感時江海思報國松筠心空愧壽陵步若  
塵何處尋

韓十八侍御見示岳陽樓別竇司直詩因令  
屬和重以自述故足成六十二韻



楚江何蒼然層瀾七百里孤城寄遠目一寫無窮

已蕩漾浮天蓋四環宣地理里精派在三秋混成非

一水冬遊見清淺春望多洲沚雲錦遠沙明風烟

青草靡火星忽南見月硤方東迤雪波西山來隱

若長城起獨專朝宗路駛悍不可止支川讓其威

蓄縮至南委熊武走蠻落自注熊武二溪名瀟湘來與鄙

炎蒸動泉源積潦搜山趾歸徃無旦夕包含通遠

適行當白露時眇視秋光裏曙色未昭晰露華遙

斐疊浩耳神骨清如觀混元始北風忽震蕩驚浪

迷津淚怒激鼓鏗訇壓成山巋鷗鷺疑變化罔

象何恢說嗑吸寫樓臺騰驟露髻尾景移群動息  
波靜繁音弭明月出中央青天絕纖浮素光淡無  
際綠靜平如砥空影渡鷓鴣秋聲思蘆葦鮫人弄  
機杼貝闕駢紅紫珠蛤吐玲瓏文鯢翔旖旎水鄉  
吳蜀限地勢東南庫翼軫繫垂精衡巫屹環峙名  
雄七澤藪國辨三苗氏唐羿斷修蛇荆王憚青兕  
秦狩跡猶在虞巡路從此軒后秦宮商騷人詠蘭  
芷茅嶺潛相應橘洲傍可指郭璞驗幽經羅含著  
前紀觀津戚里族按道侯家子聯袂登高樓臨軒  
笑相觀假守亦高卧

實時  
顧郡事

檣  
墨曹正  
出耳

韓亦  
移江陵

曹法契閣話涼溫壺觴慰遷徙地偏山水秀客重杯  
盤侈紅袖花欲然銀燈畫相似興舍更抵掌樂極  
同啟齒筆鋒不能休藻思一何綺伊余負微尚夙  
昔慙知己出入金馬門交結青雲士襲芳踐蘭室  
學古遊槐市策幕宋前軍文師漢中壘陋容昧俯  
仰孤志無依倚衛足不如葵漏川空歎蟻幸逢萬  
物泰獨處窮途否鍛翻重疊傷競兔再三禡遽瑗  
亦屢化左丘猶有耻桃源訪仙宮薛服祠山鬼故  
人南臺鷺一別如弦矢今朝會荆蠻斗酒相宴喜  
為余出新什笑抃隨伸紙擘若觀五色歡然臻四

美委曲風清事分明窮遠旨洪韻發華鐘淒音激  
清徵羊濬要共和江淹多雜擬徒欲仰高山焉能  
追逸軌湘洲路四達巴陵城百雉何必顏光祿留  
詩張內史

和竇中丞晚入容江作

漢郡三十六鬻林東南遙人倫選清臣天外頒詔  
條桂水涉秋浪花山凌霧朝分圻辨風物入境聞  
謳謠莎岸見長亭烟林隔麗譙日落舟蓋駛川平  
旗自飄珠浦遠明滅金沙晴動搖一吟道中作離  
思慙層霄

訓馮十七舍人宿衛贈別五韻

少年為別日，隋宮楊柳陰。  
白首相逢處，巴江烟浪深。  
使星三蜀酒，春雨霑衣襟。  
王程促連意，夜語殷勤心。  
却歸天上去，遺我雲間音。

訓湘州崔郎中見寄

風箏吟秋空，不肖指爪聲。  
高人靈府間，律呂伴咸英。  
昔年與兄遊，文似馮長卿。  
今來寄新詩，乃類陶淵明。  
磨礱老益智，吟詠閒彌精。  
豈非山水鄉，蕩漾神機清。  
渚烟蕙蘭動，溪雨虹霓生。  
馮君虛上舍，待余乘興行。

奉詔湖州崔郎中見寄五韻

山陽昔相遇灼々晨葩鮮同遊翰墨塲和樂墳麓  
然一落名宦途浩如乘風船行當哀暮日卧理淮  
海邊猶期謝病後共樂桑榆年

月夜憶樂天兼寄微之

今宵帝城月一望雪相似遙想洛陽城清光正如  
此知君當此夕亦望鏡湖水展轉相憶心月明千  
萬里